



ՍՈՒՐԲ ԾՆՆԴՅԱՆ ՀԱՆԴԻՍՈՒԹՅՈՒՆՆԵՐԸ ՄԱՅՐ ԱԹՈՒՈՒՄ

**Հունվարի 5-ին, ուրբաթ: Ծրագալույց
Ծննդեան և Աստուածայայտնութեան:**

Երեկոյան ժամը 17-ին Մայր տաճարում
հանդիսավորութեամբ կատարվում են Ծրա-
գալույցի արարողությունները:

Հոգևոր անարանի ուսանողները արա-
րողութեան ընթացքում Ավագ խորանից ըն-
թերցում են «Դանիելի գիրք»-ը, որին և
հաջորդում է Ծրագալույցի պատարագը:
Պատարագում է տ. Գևորգ եպս. Սերայ-
րայանը:

Ա. պատարագին ներկա է Հայոց Հայրա-
պետը, Որը և նախագահում է ս. Ծննդյան
նախատոնակի արարողությանը:

Նախատոնակից հետո Հայոց Հայրապե-
տը առաջնորդվում է Վեհարան, ուր և ըն-
դունում է Մայր Աթոռի միաբանության
շնորհավորանքները:

Այնուհետև եկեղեցական թափորը ուղը-
վում է Մայր Աթոռի սեղանատուն, որտեղ
օրհնվում է Մայր Աթոռի աղն ու հացը, և
միաբանությունը վայելում նավակատյաց
ավանդական ճաշը:

**Հունվարի 6-ին, շաբաթ: Տօն Ծննդեան և
Աստուածայայտնութեան:**

Հայոց Հայրապետը մեծ տոնի առիթով
Մայր տաճարում ս. պատարագ է մատու-
ցում: Ա. սեղանին սպասարկում են տ. Գե-
վորգ արքայանք, տ. Մյուռն և տ. Առաքել
աբեղաները և Մայր Աթոռի սարկավագաց
դասը:

Վանքի շրջափակը և Մայր տաճարը
լիքն է ուխտավոր և բարեպաշտ հավա-
տացյալներով:

Ա. պատարագին ներկա էին Գերագույն
հոգևոր խորհրդի, Մայր Աթոռին առընթեր

իրավաբանական հանձնաժողովի անդամ-
ներ, Մայր Աթոռի պատասխանատու պաշ-
տոնյաներ, ուխտավորաբար Մայր Աթոռում
գտնվող Արգենտինայի թեմի Կենտրոնա-
կան վարչության ներկայացուցիչ տիար
Գալուստ Տեր-Մարտիրոսյանը և այլ հրա-
վիրյալներ:

Ա. պատարագին ներկա էր նաև ՀՍՍՀ
Մինիստրների խորհրդին առընթեր հայ ե-
կեղեցու գործերի խորհրդի նախագահի տե-
ղակալ Անդրանիկ Հարությունյանը:

«Հայր մեր»-ից առաջ Վեհափառ Հայրա-
պետը, շնորհավորելով բովանդակ հաշու-
թյան, որ ի հայրենիս և ի սփյուռս աշ-
խարհի, Նոր տարին և ս. Ծննդյան տոնը,
խոսում է կրոնաշունչ և հայատրոփ հետև-
յալ քարոզը, որը տպագրվել է «Էջմիածին»
ամսագրի սույն համարում, էջ 3:

Հայրապետական սույն քարոզը երեկոյան
ժամը 23-ին ձայնասփռվում է Երևանի ուս-
դիականից:

Հավարտ ս. պատարագի կատարվում է,
ավանդական հանդիսությամբ, Զրօրհնյաց
կարգը՝ Վեհափառ Հայրապետի հանդիսա-
դրությամբ:

Այնուհետև Նորին Սուրբ Օծությունը ա-
ռաջնորդվում է Վեհարան, ուր ընդունում է
շնորհավորանքներ ս. Ծննդյան տոնի առ-
թիվ:

Ժամը 15-ին Վեհարանի սեղանատանը
տրվում է ճաշկերույթ՝ շուրջ 40 հրավիրյալ-
ների համար:

Ծաշկերույթի ընթացքում Հայոց Հայրա-
պետը շնորհավորում է բոլոր ներկաների
Նոր տարին և ս. Ծննդյան տոնը:

Հայոց Հայրապետին, Նոր տարվա և

սուրբ Ծննդյան տոնի առիթով, ջերմորեն ողջունում է և շնորհավորում ՀՍՍՀ Միմիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Հայոց Հայրապետին ուղղյալ որդիական երախտագիտության ջերմ խոսք է ասում նաև տիար Գալուստ Տեր-Մարտիրոսյանը՝ իրեն, որպես Արգենտինայի հայոց Կենտրոնական վարչության ներկայացուցչի, Հայոց Հայրապետի կողմից ցույց տրված հյուրասիրության և ուշադրության համար՝ հայտնելով միաժամանակ ողջ արգենտին-

աճառության որդիական սերն ու հավատարմությունը դեպի Մայր Աթոռ ս. Էջմիածինը, դեպի նրա արժանավոր Գահակալը և դեպի մայր հայրենիք:

Ընդունելության ժամանակ Հայոց Հայրապետը Իր օրհնությանն ու գնահատանքին է արժանացնում ս. Հովհաննես վանքի վանահայր տ. Մասիս վրդ. Գալստյանի բարի ծառայությունները և նրան շնորհում վարդապետական ականակոտ լանջախաչ:

Ընդունելությունն ավարտվում է խմբովին երգված «Հայր մեր»-ով և Հայոց Հայրապետի «Պահպանիչ»-ով:

